

KANTON SARAJEVO

SKUPŠTINA KANTONA SARAJEVO

NAROD I PRAVDA

Arijana Memić, zastupnica

Vlada KS

PREDMET: INICIJATIVA

Inicijativa za pokretanje i realizaciju projekta obnove fasadnog platna Pravosudne palate u Sarajevu (Univerziteta u Sarajevu)

Obrazloženje:

Zgrada Pravosudne palate, uz gradsku Vijećnicu predstavlja najreprezentativniji objekat u Sarajevu iz razdoblja austrougarske uprave. Riječ je o najznačajnijem pravosudnom objektu u Bosni i Hercegovini. Kontinuitet obavljanja pravosudne funkcije, za koju je palata i izgrađena, prisutan je u periodu dužem od stotinu godinu. Već duže od 70 godina u dijelu palate smješteni su Pravni fakultet u Sarajevu i Rektorat Univerziteta u Sarajevu. Dugogodišnja tradicija pravnog obrazovanja i sudovanja u okviru palate predstavlja prepoznatljiv element sarajevske kulturno-historijske baštine.

Zbog svog značaja na 25. sjednici Komisije za očuvanje nacionalnih spomenika, održane 24. 12. 2018. godine, donesena je Odluka o proglašenju historijske građevine – Pravosudna palata u Sarajevu nacionalnim spomenikom Bosne i Hercegovine. Nacionalni spomenik svrstan je u drugu kategoriju – nacionalni spomenik od izuzetnog značaja za Bosnu i Hercegovinu.

Unatoč svemu navedenom, već duže od 25 godina od opasade Grada kada su nastala velika oštećenja na fasadnom platnu, nema sistemskog rješenja. Jedan od najljepših i najznačajnijih objekata u Sarajevu prepušten je propadanju i zubu vremena. Komadi fasadnog platna su u više navrata otpadali i možemo biti sretni što se niko od prolaznika u tom trenutku nije nalazio ondje gdje su padali. Zbog neophodnosti zaštite prolaznika, učinjene su dodatne intervencije, poput nadstrešnice na ulazu koje su narušile integritet objekta.

Pravni i Arhitektonski fakultet Univerziteta u Sarajevu, u okviru projekta koji je podržao Kanton Sarajevu u 2019. godini izradili su Elaborat zaštite fasadnog platna koji je publiciran u okviru monografije o Paravosudnoj palati.

Krajnje je vrijeme da Kanton Sarajevo poduzme odlučne korake kako bi se krenulo u pokretanje i realizaciju projekta obnove fasadnog platna Pravnosudne palate kroz planiranje kreditnog zaduživanja u okviru budžeta Kantona Sarajevo.

Sarajevo, 28.12.2022.g

Zastupnica u Skupštini KS

Arijana Memić